

nem süpplin so heylet es die brüch / ohn als  
nich ander eufferlich mittel. Den zertlingen  
aber las ich dise schnecken in Balneo Mariae  
aufbrennen / vnd gab ihn darab mit zucker  
zutrincken / oder misch ihnen vnder jr müß /  
vnnnd richt eben das auß / wie erst gemeldet  
worden mit dem pulser. Noch find ich ein  
wunderbarliche / verborgene kunst in disem  
schnecken: Ich nimb die rotte schnecken /  
vnnnd Rosmarin blüß / eines ieden gleichen  
theyl / zerstoß in einem bleyen / vnd wol ver-  
machen hasen auff das reynest / vnd grab  
vnder ein Rosmist vierzig tag / alßdann so  
truck ich ein öl darauff / das behalt ich auff  
inn einem wol vermachten glas / stell es ein  
zeitlang an die Sonnen. Dises öl / günsti-  
ger Leser / vcreibt alß bald die grimmen vnd  
bauch weh / so die Weiber vor vnd nach der  
Geburt empfinden. Ich bitt auch die Wei-  
ber / die vil Kinder gezeugt haben / vnnnd ein  
runzlichten bauch haben / sie wöllen dises  
öl brauchen / dann es denselben gar glatt ma-  
chen wirdt in kurzer zeit / vnnnd das er tönen  
wirdt / wie ein baugken.

Von den Schnecken heußlin.

Die Schnecken heußlin haben grosse  
krafft /

Traffe vnd Wirkung/ dann wann mans zer-  
stosset/ vnnd vber den bauch eines Wasser-  
süchtigen legt/ so vertreibt es dieselbig ge-  
schwulst/ man müß aber darob lassen/ bis  
sie selbs herab fallen. Galenus thüt auch  
von disen einer wunderbarlichen kunst mel-  
dung/ welche ich gleichwol durch erfahrung  
zum offtermal warhafftig befunden hab.  
Er nimbt den schleim oder roß gemelter  
Schnecken/ desgleichen gestossen Wey-  
rauch/ vnd bitter Aloe/ rürs wol vnder ein-  
ander/ vnnd so lang/ bis es alles dick wirdt  
wie honig/ dazselbig legt er vber die stirn/  
vnnd spricht/ das solchs die flüß der Augen  
hefftig trükne. Als ich nun dises Galens  
nach wolte thün/ vnnd ein mal Spazieren  
gieng/ begegnet mir ein Miller/ der hat ein  
flachsader verwundt/ Disem legt ich als  
bald vber die wunden dise Schnecken/ mit  
samt den heußlin/ vnd einem wenig meel-  
staub/ da heylet er des anderen tags. Ich  
hab auch namhaffte zeugen/ vnd sonderlich  
zwen gar Glaubwürdige/ das ich inn der  
grossen rühr/ welche zu Naroles/ im Jar  
Christi 1535. hefftig geregiert/ vnd bis inn  
6000. Personen daran gestorben seind/ mit  
Gottes hilff mehr dann 300 errettet hab/

b üij

vnd

vnd ihnen ab den schnecken zu pulser ge-  
brandt/ sampt gestoßnen rotten vnzeytigen  
maulbör/ einem wenig weissen Pfeffer vnd  
Galles zutrincken geben. Dergleichen so  
mans wol zerknischt/ vnd vber den Tadel  
legt/ so stellen sie der Weyber blümen/ so  
lange zeyt geflossen haben. Es sagen etliche  
so mans vber die wunden lege/ so ziehen sie  
heraus/ was vnnatürlichs darinnen steckt.  
So brenn ich gar ein köstlich wasser für die  
harnwind darauf: Ich nimme die schne-  
cken/ vnd ayrklar eines so vil als des andern/  
oder vngefehlich ein pfundt/ die kalte sa-  
men/ klein vnd groß/ eines jeden gleich vil/  
ein lot lattich wasser/ acht lot frische vnd  
gütte außgezogne Cassiam/ Venedischen  
Terpentin sechs lot/ vnd zerstoß was sich  
zerstoßen lasset/ vnd laß also ein nacht an  
einander stehn/ darnach so destillier ichs/  
vnd laß das außgebrant wasser ein zeit lang  
stehn/ ehe vñ ichs brauch/ vnd gib also dem  
Krancken ein loth darvon/ mit sampt ein  
quintlin Rosenzucker ein/ so werden  
nicht neun tag für vber gehn/ so  
wirt er ohn allen zweyffel/  
vltömmenlich ge-  
fundt.

Von